

# Gratiskick



**Textschicht : Mike Sutter**  
**Musig : Mike Sutter**

**S'isch einisch eine näb dr Pischte ganz elei go schiine  
bums - do löst sech unger ihm uf einisch ä Lawine  
u riisst ne mit me Hölleschuss dr Bärg z'dürab is Tobu  
hingerloht ä breiti Schpur wie vomne riise Hobu**

**äs donneret u chroset wo dr Schnee mit auer Macht  
sämtlechs mitriisst uf sim Wäg und über d'Feuswäng kracht  
dür Gräbe schiesst, dür Chräche rast, und imne ängge Tau  
brämset und sech uftürmt meterdick und dräckig grau**

**Vo de Feuswäng ghört me no dr Donner widerhaue  
Schneeschtoub sänkt sech gnädig über das was vor isch gfaue**

**Plötzlech vom Lawinechegu chunnt e so nes nuusche  
u zmitts drus use gsehsch ufzmou dr Ma sech fürewuusche  
aus erschts erschiint ä Hang aus entschtigi är äm Grab  
u langsam Shtück für Shtück befreit är sich us sire Lag**

**är springt uf sini Bei u chlopft dr Schnee ab mit dr Hang  
schüttlet sech u schtreckt sech und jublet im Überschwang  
Läck du mir ha ni die Bärgbahn jetz nach Note bschisse  
Dä Kick isch i dr Tagescharte gar nid inbegriffe**